

SAGAOEI AGNOTEMAGAN 1825 TESIPONAG

Na nin mōgoe eimo negela totjioa gato nitjgamtjag negela tjel negema pasig neogtiponasnag pogteo mesgiges listogatjijiga oigeoigsošg 2. snag. Nōg oegoatasoagansepenag pogoelgesem'g nepagoitisneg negela oelmatjigisgenmigoega meta tan gōgoei sapeoit teltitg mōgoe mesi tlianog, meta tjel negem mestailalsotemog ogoisitagan. N'ge negela totjio eoletjoltitjig elnog getal gtemetōsenig agalasieogo gepelnōlg, tanag negela totjio eigenesag elgitemoatj oigatigen egtjipatlisa glapis sist tes, mōgoe apatoigemagogsgetog tes gisataseg bigatigen. Egtjipatlisaag eoletjitag gsegelmaseniga elnogoā eoletjoltitiga mōgoe getjitoligsep tan geto; tialogsoltitija. Pogteoeg eoletjlagsepenag alogoigtoga ag tetotjasigsepeneg mōgoe oen gisi engetemog geneg pogteo oetji epgōtamgasigsepeneg. Neoisenig migmagij eigenesig geneg pitoā na negemōa nemitotitj tan telamogoaseg mosigisg nōg oelgatamogoasegsepeneg. Na negela neoitjig elnog oesimolt'jtjig neogtetjij gisigo ag neogtetjij elpates, na tapositjig melgitjinemog na negemōo gissimogatjig, gato oegela eoletjijig gtegi gisi semagoaog notaio mesenogoitij emtošnōga gato oestasnig mōgoa nepogsepenig tan tet eli semogoitij oeltegsepeneg gigtjio sipoga gonteo nōg oeltoongsagtegsepeneg net natei pisi-mogoasenig negela gisigoag ag elpatosaga glapis teli epgitgatgesenig neōgtigsgag ag neogtitpag.

Pigoelgeseneg egtoteminagig nepagoitisneg pogteoega tjel oegoā nemet'jig nepotisnig tetotji petegsepeneg samgoaneg. Tōgō totjio neogtetjitag agalasieoag milesisenag ag gesalasseniga elnoga ag posgi logōosepeni meta molineg gegongeseneg na tesinip na natei elno pogoelteo elogoeta, golaman tan totjio notematj elno egtoi getemotogsilin mōgoe gesatemo, gato mogoe teloeg gōgoeia. Ssgemtog gato negem sapeolilitel migoitelmatjel ag tan totjio getoi olmatjigisgenmitij tostot goetapeioag, gato pa me piogoe-tanetj ola nmagasanemga na tan teltetasiog na tletesno ag na tli ogoatesno na pogteo igag tjel mo pesetenogel ploagitagana. Na nin nitjgamtjag posgi tli agnotemoipenag oetjigoategemg. Nin S. N.

ONAMAGIGEOL.

Saln Pelnalōg tan getjigao nepgag, negem gagaig tetli oigises ola Solnaligtog, elp apōgōnemoasenel patliasei penfi gisgatjatoliteg alasotmagani oligatigen ag sigentimeoei, ag lōg gepmitelmotag elnoegatig. Ogtogamgeg testatig Sa'men Pal, Pal Stipen, Egian Misel, Matieo Loi, Piel Gugu, Tjali Toni, Bali Pielao, Noel Toni, Santeles Toni, Aeselig Toni, Aeselig Pal, Pal Sibbai, Sumgiab Gugu, Lustli Lui, Ma'lan Lui, Aeselig Misel, Pelonig Gugu, Isitol Pielao, Pelansue Pielao, Mali Pielao, Pielao Gugu, Sg-Sgmtug, Maligeoetjg Sanbatist Pelnal Pelnal, Selōm Pelnal, Nuel Pelnal, Elen Masel, Santeles Pelnal, Misel Masel, Isabel Gugu, Sesil Pelnal, Elen Masel, Santeles Pelnal, Nanet Misel, Maligatelin Misel, Mali Pelnal, Gelistin Alini Sgmtug, Maligenetjg Sanbatist Pelnal, Gōlip'e Pelnal, Tuma Pelnal, Soseb Pelnal Sabatist Pal, Aeselig Pal, Na testitjig tangig biloegia betjitatigaga gabtemititija utgutana. Telagnotemoet Anteie Pelnal S. T. oagemetgog pipan'gesit tan telogega ola alasotmagan tan totja miamoi nagoeg eoegasimga 'Gil Sesos oasōg oetjieneg.' Mōgoe nin Sesos oasōg oetjieneg. Mōgoe nin oatjoi nsetemoan pigoelgel gelosoagan-el tanel nespi tloemg 'eolitelmi,' getj na 'oen et, nitjan motjatji, taleg mo geginamoaot genitjana motjatjip, eolitelmi.' Listogotjg eoasig tan pa totjio ptjilio sapeoig agantieotigtog.

GESITETAGAN TESIPŌOTJITJ

Piel gegonatel gelosilitjel ogesiteta-ganmel tesipōgtjijtel. Teloisilitei Tōn Ogsogoisel ignemeasepen Piel. Tōn aptjetjij tesipōotjij, magtaoapamogsit. Pitagal ogpioetigenemel ag ogsogon-oaeg. Tōn gesatg ogisitioen lagei-ansigtog. Altesgoata oentjotiamo ag golgoisg, tōgō epgalata. Ogsitoagan lōgōsomatal gigtōgōtogoito. Alonagieteo ag tegtesgeoeiteo ag apotasgieteo pilei msigoiptog. Piel oeleloatel ogtoemel. Pegoatelmoatel msigol, tesipōoman ag piessgemin ogtjij ogtoemel tan teli mitjilitj. Salaoei ogpteng oesmatj, oesamgōtelatel tjipotjijig. Tōn oelpeteg temsagaseg eig ag oagameg tan elising sigoasetegen igatotel tesigisseg. Osapon gesasegel ag oagam-egel. Neogt gelositj Piel, Tōn gasgoiteo etgoiteo, onagieteo, tegtesgeoe-teo gisna eonassiteo. Motgolpasiteo ogtjij Pielal tan totjio geto nasōgpas-elitj. Piel gisi altetjalaten gisna al-poloeteo neogtigisseg; tesipōo oetjito-teo oetaogti pōgōnitpagigtog.

Nigetj asitetemoigō gtimolilineo tesio-ōg ola oigatigen egitemōg, amotj oel-eioōg gtoemtjitjoag, poatemōg gsalineo.

Apignatjij 11 iteg 1908, Mali pestioimgeg teli mesoasiteg Loteg Alman-lioagig, nise glasig nansigegipongeg. Olago listogotjg elpalos opesemgeo-eim tōgo tealos elalos alasotmōgo!m-ijtjig penatjij Alpetal, Plansoeal, Sana-l ag Pathgal.